



**Қазақстан Республикасының Мемлекеттік шекарасы арқылы адамдарды, көлік құралдарын, жүктерді және тауарларды өткізу пункттерінде өткізуді ұйымдастырудың үлгілік схемаларын бекіту туралы**

Қазақстан Республикасы Ұлттық қауіпсіздік комитеті төрағасының 2013 жылғы 30 қарашадағы № 504 бұйрығы. Қазақстан Республикасының Әділет министрлігінде 2014 жылы 17 қаңтарда № 9070 тіркелді.

"Қазақстан Республикасының Мемлекеттік шекарасы туралы" 2013 жылғы 16 қаңтардағы Қазақстан Республикасының Заңы 56-бабының 42) тармақшасына сәйкес **БҰЙЫРАМЫН:**

1. Қоса беріліп отырған:

1) Қазақстан Республикасының Мемлекеттік шекарасы арқылы адамдарды, көлік құралдарын, жүктерді және тауарларды әуе (авиациялық) өткізу пункттерінде өткізуді ұйымдастырудың үлгілік схемасы;

2) Қазақстан Республикасының Мемлекеттік шекарасы арқылы адамдарды, көлік құралдарын, жүктерді және тауарларды автомобиль өткізу пункттерінде өткізуді ұйымдастырудың үлгілік схемасы;

3) Қазақстан Республикасының Мемлекеттік шекарасы арқылы теміржол өткізу пункттерінде (әрі қарай - Үлгі схемасы) адамдардың, көлік құралдарының, жүктер мен тауарлардың өткізілуін ұйымдастырудың үлгілік схемасы;

4) Қазақстан Республикасының Мемлекеттік шекарасы арқылы теңіз (өзен) өткізу пункттерінде адамдарды, көлік құралдарын, жүктерді және тауарларды өткізуді ұйымдастырудың үлгілік схемасы бекітілсін.

2. Қазақстан Республикасы Ұлттық қауіпсіздік комитетінің Шекара қызметі осы бұйрықтың заңнамада белгіленген тәртіпте Қазақстан Республикасы Әділет министрлігінде мемлекеттік тіркелуін және ресми жариялануын қамтамасыз етсін.

3. Осы бұйрық ол алғашқы ресми жарияланған күнінен бастап қолданысқа енгізіледі.

Төрағасы

Н. Әбіқаев

КЕЛІСІЛДІ

Қазақстан Республикасы  
Премьер-Министрінің орынбасары -  
Қазақстан Республикасының  
Қаржы министрі

\_\_\_\_\_ Б. Сұлтанов

2013 жылғы "5" желтоқсан

КЕЛІСІЛДІ

Қазақстан Республикасының  
Көлік және коммуникация министрі  
\_\_\_\_\_ А. Жұмағалиев

2013 жылғы "3" желтоқсан

## **Қазақстан Республикасының Мемлекеттік шекарасы арқылы адамдарды, көлік құралдарын, жүктерді және тауарларды автомобиль өткізу пункттерінде өткізуді ұйымдастырудың үлгілік схемасы**

### **1. Жалпы ережелер**

1. Осы Қазақстан Республикасының Мемлекеттік шекарасы арқылы адамдарды, көлік құралдарын, жүктерді және тауарларды автомобиль өткізу пункттерінде өткізуді ұйымдастырудың үлгілік схемасы (бұдан әрі – Үлгілік схема) бақылаушы органдар бөлімшелерінің (бұдан әрі – бақылаушы органдар) Қазақстан Республикасының Мемлекеттік шекарасын (бұдан әрі – Мемлекеттік шекара) автомобильдік өткізу пункттерінен (бұдан әрі – өткізу пункттері) кесіп өтетін адамдарға, көлік құралдарына, жүктер мен тауарларға қатысты шекаралық, кедендік, санитарлық-карантиндік, карантиндік фитосанитарлық, мемлекеттік ветеринарлық-санитарлық бақылауды және/немесе қадағалауды жүзеге асыруы кезінде өткізуді ұйымдастыру схемасын айқындайды.

2. Бақылаушы органдар қызметті үйлестіру жолымен бақылауды өткізу уақытын барынша азайтуға және бақылау операцияларын өткізуге берілген уақытты негізсіз созуға жол бермеу бойынша шараларды қабылдайды.

3. Көлік құралдарын тексеріп қарауды өткізу пунктінің тексеру алаңында Қазақстан Республикасы Ұлттық қауіпсіздік комитеті Шекара қызметінің шекаралық бақылау бөлімшесімен (бұдан әрі – шекаралық бақылау бөлімшесі), адамдардың, көлік құралдарының, жүктер мен тауарлардың Мемлекеттік шекара бұзушыларды анықтау және ұстау мақсатында жүргізіледі.

4. Кеден істері саласындағы құқық бұзушылықтар (қылмыстар) фактілерін анықтау және Кеден одағының кедендік шекарасы арқылы өтетін тауарлар мен көлік құралдарына кедендік бақылауды жүзеге асыруда оның өткізу уақытын қысқарту, кедендік бақылаудың тиімділігін арттыру мақсатында инспекциялық тексеріп қарау кешені қолданылады.

Кедендік бақылау бөлімшесі пайдаланатын инспекциялық тексеріп қарау кешенімен жарақтандырылған өткізу пункттерінде шекаралық бақылау бөлімшесі оларды қолданумен қарап тексеру нәтижелерін мойындайды.

Жеке жағдайларда көлік құралдарын, жүк және тауарларды тексеру шекаралық және кедендік бақылау бөлімшелерімен бірлесіп жүргізіледі.

5. Әрбір автомобиль өткізу пункттерінде оның ерекшеліктеріне байланысты (санаттары, сыныптары, инфрақұрылымының және техникалық жарақтануының

дамуы, Мемлекеттік шекара сызығынан қашықтығы, жыл уақыты) Үлгілік схеманың негізінде бақылау органдары басшыларының бірлескен шешімімен Мемлекеттік шекара арқылы адамдарды, көлік құралдарын, жүктер мен тауарларды өткізуді ұйымдастыру схемасы (бұдан әрі – өткізуді ұйымдастыру схемасы) әзірленеді және бекітіледі.

Өткізуді ұйымдастыру схемасында тиісті өткізу пунктінің жергілікті жағдайын есепке ала отырып мемлекеттік бақылаудың барлық түрлерін жүзеге асырудың ұзақтығы белгіленеді.

Кедендік және басқа да бақылаушы органдары жоқ өткізу пункттерінде өткізуді ұйымдастыру схемасын Қазақстан Республикасы Ұлттық қауіпсіздік комитеті Шекара қызметінің құрама (бөлім) командирі бекітеді.

6. Қазақстан Республикасы ратификациялаған халықаралық шарттарға сәйкес жұмыс тәртібі тәулік бойы емес өткізу пункттерінде көлік құралдарының жиналып қалмауын болдырмау мақсатында Мемлекеттік шекара арқылы өткізуді тоқтатқаннан кейін, өткізу пункттерінің аумағындағы автокөлік құралдарына қатысты кедендік операцияларды жүргізу шекаралық бақылау бөлімшесінің келісімі бойынша рұқсат етіледі.

## **2. Өткізу пункті аумағына адамдардың, көлік құралдарының, тауарлар мен жүктердің келуі кезінде бақылаушы органдардың іс-қимылдары**

7. Қазақстан Республикасының аумағына кіретін автокөлік құралдарының өткізу пункттеріне келуі кезінде бақылаушы органдар мынадай негізгі бақылау операцияларын жүзеге асырады:

1) шекаралық бақылау бөлімшесі:

өткізу пунктіне кіру кезінде автокөлік құралдарын тіркейді;

автокөлік құралдарында баратын адамдардың Қазақстан Республикасына кіруіне құқық беретін құжаттарын тексереді және шекаралық бақылау нәтижелерін ақпараттық жүйеге енгізеді;

автокөлік құралдарын қажет болған кезде кедендік бақылау бөлімшесінің лауазымды тұлғаларымен бірлесіп тексеріп қарайды;

адамдарға және көлік құралдарына одан әрі жүру құқығын беру туралы шешім қабылдайды;

2) кедендік бақылау бөлімшесі:

автокөлік құралдарын есепке алудың автоматтандырылған жүйесін қолдана отырып, көлік құралдарының кіруін тіркейді;

радиациялық бақылаудың автоматтандырылған жүйесін және/немесе радиациялық бақылаудың ауыспалы техникалық құралдарын қолдана отырып, радиациялық бақылауды жүзеге асырады;

көлік құралдары мен тауарларды кедендік ресімдейді және кедендік бақылауды жүзеге асырады;

автокөлік құралдарын шекарлық бақылау бөлімшесінің лауазымды тұлғаларымен бірлесе қарап тексереді (қажет болғанда);

көліктік бақылау Қазақстан Республикасымен ратификациялаған халықаралық шарттарға және Қазақстан Республикасының заңнамасына сәйкес рұқсат құжаттарының бар болуы мен қолданылуын тексеру, автомобильдік автокөлік құралдарының салмақтық және көлемдік параметрлерін қолда бар бақылау жүйесімен анықтау арқылы жүзеге асырады;

мемлекеттік карантиндік фитосанитарлық бақылау мен мемлекеттік ветеринарлық-санитарлық бақылау зертханалық бақылау мен зертханалық сараптаманы қоспағанда Қазақстан Республикасымен ратификациялаған халықаралық шарттарға және Қазақстан Республикасының заңнамасына сәйкес жүзеге асырылады.

Мемлекеттік шекараның қазақстан-ресей учаскесіндегі автомобильдік пункттерінде тек шекаралық бақылау ғана жүзеге асырылады.

Барлық белгіленген бақылау түрлерін жүргізгеннен кейін шекаралық наряд өткізу пунктінің аумағынан көлік құралдарын шығаруды жүзеге асырады.

**Ескерту. 7-тармақ жаңа редакцияда - ҚР Ұлттық қауіпсіздік комитеті Төрағасының 22.07.2015 № 60 (алғаш рет ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

8. Қазақстан Республикасынан адамдар мен көлік құралдарының шығуы, тауарлар мен жүктердің шығарылуы кезінде бақылаушы органдар іс-қимылдарының дәйектілігі кері ретпен белгіленеді.

9. Мемлекеттік шекара арқылы өтетін жүк таситын көлік құралдары мен автобустарға, жаяу жүргінші тұлғаларға қатысты бақылауды жүзеге асыру бойынша бақылаушы органдардың іс-қимылдар бірзділігі әрбір автомобильдік өткізу пункті үшін оның ерекшелегіне сәйкес нақты анықталады.

Бақылаудың белгіленген түрлері өткізу пункттерінде ауыр науқасты тасымалдауға, жолаушыларды тұрақты тасымалдауды орындайтын автобустарға, сондай-ақ жануарларды, жылдам бұзылатын және қауіпті жүктерді тасымалдау кезінде өткізу пункттерінде бақылаудың белгіленген түрлері Қазақстан Республикасымен ратификацияланған үкіметаралық келісімдердің және 2003 жылғы 4 шілдесіндегі Қазақстан Республикасының "Автомобильдік көлік туралы" Заңының негізінде басымдылық тәртіпте жүзеге асырылады.